

瓶

廬

詩

稿

瓶廬詩稿卷八

目錄

壬寅元日戊寅平旦畫虎數十幅以其一寄筱山

壬寅

張氏潞水條峯二圖爲耽伯題

送姪孫炯孫之官四川

題宗子戴

舜年

藏舊拓禮器碑

題趙厚子先生岱頂看雲圖

題張皋文說文諧聲譜諧聲紀韻手稿

題蔣忠烈公

欽

早朝圖

臨文待詔江南春卷

題趙坡生新得雅宜山人小楷冊

藥龕大師貽我西亭畫幅無處可挂題詩奉還

題文待詔林亭小景和竹橋先生韻

題錫山浦子山

朝鐘

石室山莊圖

題錫山華勛齋讀易圖遺照次卷中侯葉唐師韻

題王石谷畫瀟湘八景小冊

畫扇

謁陳塘橋 司寇公墓漸就荒蕪亟圖修葺感賦

題沈石田竹堂僧寮圖卷

題費妃懷念慈藏丁心齋哭女文女即妃懷母也
題費耕亭篝燈課讀圖為妃懷作

題趙松雪曝書二字用孫淵如韻為妃懷

宋左建歸牧圖為費西蠡題

題張南皮畫扇

壬寅四月皕亭過我山中攜史晨前後碑屬題次
黃再同韻

端五日於扇頭朱書虎字

再題石谷瀟湘八景冊次前韻

潘星齋庚戌闌中畫蘭次前題韻為吳碩卿

題沈蓮客遺照

爲之廉畫虎並題

再題

長歌付之縑

有索余畫者余無以應乃檢所藏張南皮小幀贈之并題一詩

題王宜看雲圖贈王少谷

念祖

畫攜李

再畫攜李一枝

題張南皮相國畫冊

題楊西亭畫冊次前韻

壬寅七月門人薛聚銘以劍門春眺圖屬題因起
談山之興率題一詩

題畫山水一絕

題石谷送別閻公圖

病榻不寐

金門送菊次韻謝之

為藥龕長老題仇十洲十八學士圖

吳憲齋臨戴文節畫冊為斗廬題

題徐翰卿玉佛龕圖

僕人得殘本舊拓懷仁聖教集冊中所有字題之
次韻俞甥調卿除夕元日二首

癸卯

次韻除夕元日二首

用前韻紀在朝時除夕元旦故事亦西京歲華之
例也

上元前一日次金門甥韻

再和金門

張帆過王莊

散墩

乞花一枝置篷底

沈公周藏唐大中年高府君墓甗

南潯張弁羣

增熙

藏乙瑛碑明拓本

題殷譜經樸庵留別圖

舟中即事

三層樓飲茶

題傅笏圖次 文勤公韻

清明節墓祭有感

山中即事

三月望舟中

口號

東澗老人墓

山居即事

瞿文懿墓

田家即景

爲姪孫斌孫題石谷無款畫卷時斌孫將之京師
供職

山居偶成

題徐印士

元綬

剡溪別禿圖

臨石田竹堂僧寮圖

山居雜詩四首

鄒巷古藤花

福山紀遊雜詩十首

薔薇

柳花

題董文恪山水小卷次原題詩韻

山居偶題

謝廖仲山贈篆竹杖

還山居

山中頗有客至

次調甥韻贈劉石香

題金壽門畫冊用煖叟題壽門花卉詩韻

題舊藏盛伯義祭酒贈文和州卷用卷中韻

簡張季直

題張子貞張伯治合璧畫冊

爲徐翰卿題董香先山水小冊

題楊子鶴棲霞山館讌集圖

題石谷畫松南田題詩卷

題同里朱蘭洲藻楓嶺碧血圖

摹萬年少贈顧亭林渡江圖

再題渡江圖次祁公韻

贈石西亭老人

時庚

題逸休先生詩草

山居偶吟

題自畫

題沈石田送行圖

題舊藏沈石田蘇臺紀勝畫冊

題沈石田贈尚古先生詩畫卷

題庚子畫扇扇有曲江雁塔語

次韻題章侯博古牌刻本

和俞甥調卿除夕元日兩詩

甲辰

調卿好詩又好道仍依前韻調之

用前韻答俞佑萊

鍾穎

次韻寫懷

佑萊以苔牋屬書近作愧未能也次前韻答之

次前韻紀時事

邵息盒太史

松年

和淮字韻詩輒以父執見推非

所敢承也追溯先德報以小言

次前韻再簡息盒時上元後一日

調甥疊韻見示云禪漁聯唱已成巨卷再答之

次韻春雪酬調甥

次韻再答調錫

息盦和詩述祖庭粟園先生曾任淮甯政績炳然
而余前詩未及詳也謹補是篇章謂息盦主講
新建學堂事

冒雨送客遂至山廬次韻簡金門

重有感簡金門

題趙石農手摹其尊人賣藥圖遺像

題明宣德仿天游石湖玩月軸

有逐余舟呼寃者紀之以詩

支溪

白茆新市

和俞曲園鮑亭同作

題李吉人自怡樓課孫圖

題邵僧彌畫冊並影摹 尚書公爲卞花龕書吳

梅村畫中九友歌附於冊後

偶憶吳門血書華嚴經輕舟往觀舟中漫題舊臨

石田竹堂僧寮圖次前韻

舟中爲童子程福題去歲畫

題龍壽山房血書華嚴經

觸目

題佑萊藏舊拓乙瑛碑

題費西蠡歸牧圖便面

初食瓜

疾亟口占

瓶廬詩稿卷八目錄

瓶廬詩稿卷八

常熟 翁同龢 叔平

壬寅

壬寅元日戊寅平旦畫虎數十幅以其一寄筱山
食肉封侯兩不知蝸廬相對鬢如絲童嬉彷彿三生事
憶否跳空踞地時

張氏潞水條峯二圖爲耽伯題

潞水謂息園公條峯則鹿樵先生也皆紀歸養
事

朝廷教忠先教孝許以庭闈易廊廟余年巾角侍重慈

親見先人承色笑維時前輩鹿樵公壽堂愛日春融融

辭官養親乃家法

公之尊甫息園公於乾隆辛亥以御史告歸

三十三年先

後同一圖再圖紀恩遇海內詞流悉欣慕退朝花底每

長歎

先公詩中語

驚歎先人舊題句先人與公氣誼敦談經

誦史兼論文京華賓從浩如海一榻惟因徐孺尊

先人在京

師公開一室署先人別號每過從輒居之

古人贈言義非淺志節勲名必交

勉當時一語性情真廿載迴翔約終踐山廬昨夜寒花

開展圖感舊空徘徊張生有母時迎奉浙水吳山好去

來

送姪孫炯孫之官四川

少小常憐汝分飛忽一天目窮漢陽樹夢繫峽江船形
勢荆襄控風雲衛藏連圖經勤攬取餘事慎餐眠
舊學皆新法民生即利源艱難通百產忠信結諸蕃事
事當從實言言悉有根此邦繫天下織眉待評論

懷惻吾家事蕭然樂志堂窮儒嗟薄祿謂一盛集悶幽

光二兄古幸汝能傳業他時好顯揚一錢不妄取彝訓

是官常

題宗子戴

舜年

藏舊拓禮器碑

世人誰叩金絲壁海內猶留禮器碑難得吾儕三數子
空山相對夕陽時

何須尋究到偏旁四百年前古墨香且與皇戲證年壽

皇字下半牟字無損皆明拓之據 什言消息卜三陽

重九登高感昨遊草堂人日歲頻周魚羹餉客尋常事

安得重沾寒具油余詩綴西齋跋後西齋記已亥重九於次公處觀余宋拓本

題趙厚子先生岱頂看雲圖

道光丙戌先生登第南歸游岱題者皆名流

俗儒得第如得珠劫劫懷顛負以趨停車攬勝胡為乎

雲中君兮仙人徒徑登日觀探石闕頗憾古篆青模糊

山川出雲為君娛一雲十雲千萬俱吞吐二儀綿八區

蒙繹部婁疑有無秦漢變滅徒須臾畫師神工信手摹

平生宦轍千縈紆題者比附毋乃迂我昔登山止半塗
南天門下僧蛻枯衝泥帶雪摩其鬚畏險不進真懦夫
我居倚山前帶湖亦有白雲時可呼我不見公空見圖
獨與公孫相喁于遼哉高躅莫可踰回觀世事常嗟吁
題張皋文說文諧聲譜諧聲紀韻手稿

此皋文先生說文諧聲譜手稿四冊又諧聲紀
韻一冊上起三代下逮漢魏惲子居嘗爲敘而
未刻者也其書分古音爲二十部又精寫小篆
細如刀幣文而以今楷書注諸家之說於下洵
寶笈也趙惠甫得之常州流傳有緒前後無題

識久恐湮沒惠甫之子君閱寬屬余題記乃題而歸之

古音分廿部辨折至秋豪進退顧江段縱衡詩易騷良書今魏晉精篆古泉刀梨棗非予事流傳待俊髦冊有成孫

案云云籤乃泉文之子也

題蔣忠烈公欽早朝圖

公於弘治丙辰登朝正德丁卯授命此圖末署丁酉俟考

雄虺九首毒霧吐口公獨奮然力破厥毅同臺對簿或瘖或伏公獨慨然謂光科目戴鏡所記如此嗚呼公平有親在

堂身則殉道魂歸親旁危行言孫匪論諫官我讀三疏
嗒焉摧肝

公登弘治九年丙辰進士洊擢南京陝西道御史
正德元年十一月疏留二輔忤旨逮訊明年
正月二十日入獄獄中三上疏閏正月九日復
拜杖三十爲民十八日死於客邸同時被繫戴
銑有成是錄舊志所記如此按公登第之日迄
授命之時凡十二年中無丁酉紀年者此早朝
圖末署丁酉季夏龔顯畫又朱衣鶴補於服章
亦未合圖雖舊絹神采奕奕非公遺像也秀才

瀧字雨南藏此圖其題籤稱九世孫以今日上
距正德丁酉已三百九十六年其世次殆亦不
倫觀嘉靖中志書已敘其元孫凌雲矣蘇又記
臨文待詔江南春卷

壬寅之春有持此畫來者衡山青綠上題一詩
次倪雲林韻和者十餘家皆豔冶沖和之作想
見當年吳下承平氣象既臨一幅復和此詩時
在西山墓下

隔谿人家賣苦筍魚市蕭條估帆靜

一作菜羹無魚獲
無筍淡泊襟懷惟

靜何人寫此

一作示我

江南春剪取西山一角影

一作似為
瓶廬寫小

影
挑花半開雲氣一作風信冷莫問仙源與露并江山如此

一沾巾祇知斯地無風塵一作可憐西

燕來遲鳩喚急漠漠一作雨平疇千頃溼較量一作準陰晴

趁時及春江無邊一作淪漣春草碧北望雲山是一作京

邑臺閣金銀一作夢天際立幽人一作差余蹤跡等漂萍一作

如浮詩囊畫篋頻一作誰經營

題趙坡生新得雅宜山人小楷冊

未入髯翁甲乙儲當年歎賞意何如舊山樓上山依舊

喜有賢郎讀舊書此冊尊公欲購未得者

細書精緊勢仍寬鎔鍊鍾王到筆端我有荷花詩一卷

會開塵篋與君看

履吉荷花蕩詩寄偉
跋岩亦項墨林藏

秋風得意停雲別付與王家好弟兄

衡山有春風得意
停雲言別二圖贈

履吉兄弟惜此冊
無待詔詩畫冠之
冊題與履吉約讀
書石湖精舍作

想見衡山老居士叩門來聽讀書聲

藥龕大師貽我西亭畫幅無處可挂題詩奉還

矮簷小閣才容膝孤負滄洲四壁圖乞與道人同一笑
壺公隱處并無壺

題文待詔林亭小景和竹橋先生韻

鏡湖已老賀方回卻喜支公杖策來新縛茅亭如斗大
溪山深處畫圖開

一卷梅花舊夢回湖田老屋問誰來傳家別有詩書在
不惜幟廚為客開

此畫舊為竹橋先生所藏

題錫山浦子山

朝鐘

石室山莊圖

石室在金匱界浦二田舊居圖則諸麓泉慧筆

也

九龍蜿蜿趨一珠梁谿曲曲好畫圖平生讀杜未得解
二田仙人疑可呼

錫山石室咫尺耳海州石室我世傳

先祖有石室傳經圖先公續繪端

州石室圖

文章經訓弗克荷目瞿心瞿祗自憐

雄篇累幅成鉅觀老筆溼翠猶未乾草堂坐兩百事廢

鐙前摩眼頻開看

題錫山華勛齋讀易圖遺照次卷中侯葉唐師韻
高顧不可作邈哉時代易東林一瓣香孰與溯道脈鳳
皇高其翔凡鳥累千百異學競喧呶榛蕪浩難闢夫子
生隆平玩易日有獲靜中悟大原畫圖乃陳迹緬彼嵇
阮徒清談恣標格斯世已滔滔胡為泉石癖

題王石谷畫瀟湘八景小冊

昨秋空作瀟湘夢塵海歸來又過年豈若奚童孫憲好
破書攤上識耕煙

此冊為童子
孫憲所得

耕煙妙跡渺難求萬里長江一篋收卻憶鴿峯新雨後

兼金論價買芳洲

芳洲圖石谷爲高陽先生作真本已佚去年南歸收得一摹本

畫扇

短蒲新燕滿汀洲
獨自撐船獨自遊
燕子背飛蒲亂茁
祇應垂柳尚低頭

謁陳塘橋

司寇公墓漸就荒蕪亟圖修葺感賦

吾宗衰替久渺矣
溯先芬竟乏庭堅祀
誰尋董相墳苔
碑空臥雨華表尚凌雲
地崩無從問何勞說軼聞

野人云有

仙童出家上
荒誕可笑

題沈石田竹堂僧寮圖卷

嘗見白石翁竹堂寺觀梅圖成化己亥與李秋

官楊黃門同遊作題詩絕佳今見此圖因次其韻

石田老仙不可作秋官黃門在何處眼明照見數尺圖
仿佛花魂到今駐草堂幽幽瓶几淨萬象空明無所住
先生亦覺筆頭乾似悔當年舊題句募修之疏字斷爛
竹裏僧寮果成未我來山中樂無事頗與先生有同趣
觀魚尋筍日不足兩腳芒屨溼草露仙人出世樹重花
小小竹堂移此地

題費妃懷

念慈

藏丁心齋哭女文女即妃懷母也

文中所謂呱呱者即妃懷也

丁公哭女示費甥傷哉失乳一日嬰滿紙都是呱呱聲
呱不能哭聞呶嬰瞋三十年起大名論史嶽嶽經鏗鏗
與公後先足抗衡滄浪亭下水濯纓鶯花三月酒琰清
謁公談藝兼談兵癸酉年事今覩遺跡飛縱橫墨痕浩挾老
淚傾髣髴霜紅十哭情十哭不如一哭并謂當刻石用
代旌與瀧崗表同崢嶸

題費耕亭篝燈課讀圖爲此懷作

立孤多涕淚遺訓更深沈慈孝一門事饑寒天下心科
名兼仕宦循吏合儒林差喜燈燈續聲華直到今

柳韓先執友

先君與公交契甚深

馬鄭舊門徒

先兄問業於公

未見一題

字今餘第二圖後生辭蹇淺老病墨模糊愴念高曾事

空山泣孝烏 吾家兩世節母

題趙松雪曝書二字用孫淵如韻為此懷

手注周官有巨編稱量時事問誰先乞君湖海三年福

穿起中西一串錢 西齋著周禮政要以古義證新法其
他著述自謂滿屋散錢尚未歸串也

新作茅堂小補蘿溼雲蒸雨滿巖阿曝書亦有雙松板

未抵君家兩字多

宋左建歸牧圖為費西齋題 成邸題曰西郊草堂

門無籬落步無舟真是江村景物幽漫與幟題成故事

更何人說是浮休 押角有淡墨浮休字昔坡公嘗書二
字刻石則張舜民別號也此不敢知

竟將歸牧扁新堂
彝鼎圖書發古香
論事說經皆第一
斯人豈合老江鄉

試問江鄉近若何
算縉未了又催科
菩提坊裏幽人宅
敢道歸牛浮鼻過

南雅先生題詩深慨
催科之急此推其意

題張南皮畫扇

臺省聲名重雲山
夙志違風情垂老在福澤
近人稀豚酒隨緣
喫縑藤信手揮
江南春水綠佳話到薔薇

有春水綠

波一種

莫道閑無事茅堂手自開
觀雲知世態護筍似人才
山近田鋤嬾村荒縣牒催
舊游回首盡溪上獨徘徊

壬寅四月皞亭過我山中攜史晨前後碑屬題次

黃再同韻

君來艤擢西山下我憶開函宣武南

此碑在京時屢得覲

更補鄭

齋殘字五

後碑闕五字余以沈均初殘本足之

同看孔廟古碑三

皞亭得古拓乙

瑛碑與此而三

蕩邪反正羣公事感舊懷人一昔談

謂再同寄

語當年過嶺客吾儕樂事考槃諳

孝達戊子年題記謂過嶺五年無此闕情

端五日於扇頭朱書虎字

菜豆餠甜角黍香雄精搗屑入蒲觴孩提亦識尊親義

繞膝欣題半額黃

五日以雄黃酒寫王字於兒童額上吾鄉舊俗也

再題石谷瀟湘八景冊次前韻

老來久斷瀟湘夢一臥滄江不計年八景何如千百景
海天無際渺雲煙

更無良友覓羊求

次公久逝
儒老又亡

自檢書箱旋自收昨過耕

煙藏蛻處浮牛放鴨滿汀洲

石谷墓在西
門外程家橋

潘星齋庚戌闈中畫蘭次前題韻爲吳碩卿

挖藍暈碧儼含香想見當年齊禮堂

試院聚奎堂
舊名齊禮

自是

承平好風度更無一語到瀟湘

地攤買得亦堪誇珍重緜囊當碧紗二十八年彈指過

偶然空谷賸孤花

乙亥題詩時公正
空乏故未句及之

題沈蓮客遺照

少年朋試時連几郡齋屋春風詠而饋蕭散好題目試郡

點爾何如三句

君文翻水成吾藝苦局促是歲君高翔余亦隨

華躅遭逢有利鈍蹤跡判飛伏何期京國夢遽作寢門
哭別君五十年突兀覩此幅儼然儀觀在眉宇秀可掬
青衫猶未枯斑管何曾禿翻憾白頭人憔悴老邁軸君
才與識量儕輩所傾服况有賢子孫定肇門楣福吾衰
今已甚眼花手腕蹙安用贅蕪辭志傳行當續君事實
邑志已

爲之廉畫虎並題

策策空林落葉飛草堂燈火正熹微野人指點山前客

射石將軍夜不歸

再題

香林聳高閣救虎有神僧世俗紛紛者徒誇拔箭能

長歌付之繕

我居墓廬中山川穆餘清汝往官京幾觸熱轉海行吾
道無南北所重惟此誠當爲天下念勿作一身營我愛
庭中花鮮鮮發菁英豈伊戀近玩而忘稼穡情況彼服
官者事事系民生譬如司讞獄執法當持平取決一言
誤怨忿萬古并又如關津吏稅入較重輕算緡縱報最
斂怨實取盈又况儒生學最忌妄談兵猛火苟弗戢殺

人不聞聲是皆舉其大自餘難具名汝本初試職三事
非所更但當力勤儉庶免人譏評勤者事惟何雞鳴起
櫛纓日入早宴息拋棄牆隅弊儉者事惟何一飯戒齏
精高冠陸離佩竒服奚足榮勿趨利名藪利名衆所爭
勿恃意氣豪豪氣終無成山塘通一水遠隔十里程汝
今即首塗吾亦嬾入城去去勿復念吾方事晨耕

有索余畫者余無以應乃檢所藏張南皮小幀贈
之并題一詩

鑒書博士記吾曾潑墨雲山愧未能移取南皮晚年筆
鹿牀一派有傳鐙

題王宜看雲圖贈王少谷

念祖

壬寅六月少谷轉海來虞爲余度地情意肫摯
非世俗所能值余病暑未獲晉接乃以看雲圖
並漸江和尚黃山勝跡圖二冊贈之黃山於鳩
茲爲近聊寄看雲相憶之意云爾

陶令歸田引張華博物編頻移上山屐時泛過江船湖
海一身逸乾坤雙眼穿至今父老在競說使君賢
炎雲蒸赤繖瘴海翳黃埃獨以此時至君真信士哉深
談雜悲慨蹇步廢追陪未盡青烏祕先聞作賦才

畫橋李

畫李偏同畫荔枝奚童匿笑老夫癡越王歸矣西施去
為問旁人那得知余未識攜李之狀以意圖之

再畫攜李一枝

客有餉余攜李百枚者圖之弗類也

平生嘗徧金盤果未識人間此味珍還與西施供一笑
更無飛騎走紅塵

題張南皮相國畫冊

海山兜率不可見開編猶識故人面當時同坐殿西廊
破墨枯毫落余扇是誰收此八葉圖遠從京國來三吳
米家潑墨大癡赭密者黃鶴疎倪迂在昔衡山多贗本
每歎明珠魚目混香光瀟灑真天人任客臨摹名不損

我今畏暑臥北窗論書品畫興未降得錢即醉醒輒懶

令我長憶袁春江

袁為公門下
客每代公畫

題揚西亭畫冊次前韻

自戊戌放歸依先人邱隴之下種松斲石得

遂寸衷而江湖之樂不足道矣因和前詩紀事

十種清涼風物鮮

夢中句

卅年前夢證青蓮時危敢說山

林福結感終身守墓田

壬寅七月門人薛聚銘以劍門春眺圖屬題因起

談山之興率題一詩

籠鳥不欲飛縶馬安敢馳借問山中人爾行將何之山

人喜寂靜性與邱壑宜登高望八荒天水浩渺瀾惜哉
不能賦默默祇自怡我觀劍門圖勝友相追隨旣妙丹
青筆復綴瓊琚辭我有九節杖請爲君導師此去西五
里連岡屬屢屨有洞曰藏軍有墩曰禡旂其下有石屋
峭壁若累碁是曰鶻鵠峯振翮天雲垂草木恣蒙茸行
人憚險巖圖經或未詳題詠每見遺譬彼附庸國僻陋
乃在夷茲山勢東趨一氣隆尻雕融結最深秀發露多
權奇吾儕足嘯傲司牧宜深維守國在守險用備來者
諮

題畫山水一絕

昨夜秋風入楚山，曉來煙雨白雲間。
一聲清磬出林際，知是茆庵水石閒。

題石谷送別闇公圖

壬寅九月筱山姪將赴闕展覲，瀕行以此為別。
余疾初起，拈筆如神，可喜可喜。

闇公石谷舊詩，朋別袂翩翩，畫舫升。正是康熙全盛日，
江湖廊廟各騫騰。

我借青山寄別情，青山亦解送人行。試攜一片江南雨，
灑向中原徧八瀛。

圖不能傳意，可傳微。臣夢到五雲邊，黃冠九頓旁人笑。

彷彿郵亭啟節年

故事大員入京送行之吏寄請聖安臣不敢援此例而實具此忱

病榻不寐

中虛暴下氣先頽幽闕崑崙安在哉骨月至情垂老盡
江山竒想破空來寒溫迭嬗天無意生死能回世有才
獨撥殘釭坐長嘯隔牆僮僕漫驚猜

金門送菊次韻謝之

書生何事切民瘼怨句頗仍未可刪今日聊爲我重九
白衣烏帽坐看山

小把斜簪已足珍千枝萬蕊更芳新是誰錯解靈均賦
歐九應非不學人

為藥龕長老題仇十洲十八學士圖

文皇英武震寰區策府初開劍佩趨當日丹青只裏鄂
故應摹寫到羣儒

十八人中有孔壬鴻編千卷詔詞林誰知畫史裁量手

偏寓春秋筆削心

圖係十七人殆削去許敬宗矣敬宗有文館詞林二千卷其他纂輯亦富

觸著登瀛一惘然柯亭劉井付雲煙

翰林院署扁曰登瀛門今畫入西界

神丹能換鉤轉舌怪底羣仙不上天

吳憲齋臨戴文節畫冊為斗廬題

鹿林墨法妙沖融十手臨摹苦未工聞道讀書靈隱寺

一春鍵戶對王蒙

戴公少時嘗得黃鶴山樵畫與鄭頡蘇各臨之數十過頡蘇為余言之

臨摹獨數窻齋能金石緣深得上乘可惜十年君病矣
頽然雲水一孤僧

鐵馬金戈絕塞天古文奇字付雲煙忽逢北墅談詩客

趙坡生
攜示

振觸長安讀畫年

窻齋壬辰秋入都寫長安街
與余寓相距數武數相過從

題徐翰卿玉佛龕圖

東魏武定二年八月造像

上羅女直下要荒造像何曾入尚方

大內佛像以金元
為最古次則衛藏

所貢玉佛化身吾不信世人謾認十三行

吳讓之謂像入
內府此係覆刻

非者

武定孱王政已移區區祈福亦奚為滄州城裏鐵師子

一樣低眉淚暗垂

大千世界本微塵何事長留未了因莫道四圖才一卷
中藏百萬億千身

僕人得殘本舊拓懷仁聖教集冊中所有字題之
力學方能獲半珠莫緣探海鄙區區要知缺本多神味
比較豪釐亦大愚

癸卯

次韻俞甥調卿除夕元日二首

投老殘年賸此身屠蘇欲酌且逡巡驚回曼衍魚龍夢
除夕保和殿筵宴尚憶鴟夷豹尾塵當日承明常侍從即今洽
比有昏姻一廬左公贈余二字斗大恩如海臣本煙波浩蕩人

又見江鄉萬戶春椒花菜甲雜前陳燒鐙聊助觀書眼

揖客翻愁拄杖身元日送詩成故實去歲亦嘗示詩老漁得句

更清新錫自署日老漁一門樂事君家最况有城南舞綵人兼示

令弟佑萊除夕之作

次韻除夕元日兩首

梅花猶未現全身先向擔端一笑巡釘果祭詩疑有癖

點燈掃地本無塵借書野寺矜新獲借得楞嚴經補嚴太僕鈔本送

酒山家得舊姻鄒巷有人送酒一斗觸我無窮風木感白頭拜墓

爾何人書是日山中所見

今歲欣逢甲子春綏豐有兆穀陳陳濟時須仗調元手

作頌猶餘健飯身會見隆平能復古側聞學術已更新
吾皇宵旰吾民樂慚負耕田鑿井人

用前韻紀在朝時除夕元旦故事亦西京歲華之
例也

賜貂溫厚服章身捐酒甘芳飲幾巡祀竈黃羊肥似馬
堆盤白麪細如塵荷囊預卜豐年穀鵝序先推帝室姻
每與蒙古王公拜賜推使前列否則必爲所擠手捧御書春帖子鳳城留鑰待
歸人除夕有辭歲禮退時甚遲

萬戶千門總是春銀花火樹殿前陳七重鳳扇溫如玉

乾清宮設花扇

五色鸞牋福滿身

元旦親頒福字謂之滿身都是福

布澤先從

畿輔始

加恩獨助謂之普錫春祺

獻箴每及履端新

臣在書房歲首敬書格言以進

是誰補撰金鑿記應問鈞天夢裏人

上元前一日次金門錫韻

同是江湖栖隱身因君詩句感西巡入關首問閭閻苦

過洛還清輦轂塵

庚辛兩年歲暮事

涕泣似聞唐代詔和親豈

類漢家姻九門詆蕩天無外容爾鞮鞞棘寄人

謂使臣入覲

桃李新移洛下春駢駢多士走梁陳獨虛巨構投竿手

應惜騎驢破帽身開卷古賢時晤對閉門世事日翻新

雞鳴不已風兼雨珍重田間唱和人

再和金門

老夫曾現宰官身，校士論才亦數巡。惟有一舟

金門別號真

淡泊迥如孤鶴出風塵。或云褚薛原同調，兼說崔盧是舊姻。須信冷交磁石鐵，江湖何處覓斯人。

怱怱十日過初春，爆竹挑符迹又陳。鐙市繁華常避影，酒場熱惱早抽身。謾臺負債年年積，邸報傳聞日日新。亦有憂時數行淚，謫仙豈是楚狂人。

張帆過王莊

飽飯閑捫腹，風聲聒晝眠。迎潮聯木筏，夾岸半桑田。山活隨帆轉，村濃帶樹圓。郵程才只尺，來往亦輕便。

長風吹一葉，遠趁過江春。卻笑攤書客，全憑挾柁人。疾

行知退好暖坐怯寒新欲問前村路鄉音聽未真

散墩

此洞何年闢幽深似石城引繩知步武

深三十步籠燭得

題名

洞外有正德庚午二刻其一不能辨同治甲戌曾見都穆題今未見

枯草年年綠寒

花處處清一墩表江國未許後人爭

乞花一枝置篷底

折花還健步老態路人憐瘦影對孤客酸香塞一船煮
茶聊當酒剪燭未成眠苦憶前朝樹枯槎化爨煙

猶見元時老樹今爲薪矣

沈公周藏唐大中年高府君墓甌

光緒十七年金村人卜姓耕田

得之

顏家尉壁兩題名何事書碑有鎮卿不敢□□輕附會
常山兄弟盡忠貞

與福幢經已重鑄此銘真紀大中年勝他項氏鵝羣閣

廬皮王家保母甄

子敬保母甄

南潯張弁羣

增熙

藏乙瑛碑明拓本

曩見沈仲復藏朱臥庵徐頌閣藏釋奚林本皆
宋元精拓南歸後所見皆不遺矣弁羣寄示此
本墨花油然古香盈紙洵三百年前舊物歎玩
竟日漫題短句

隸勢蘇齋語最精要從韓魯悟縱橫

覃谿先生謂當與韓勅魯峻碑陰同

觀則無法不備

如何一字生疑義卻使斷斷啟後生

先生謂犬酒犬字近

草書發字近人多議之者

三年妙悟三橫法

李若農學此碑三字三年始得

兩本精研兩點痕

王

生兩本辨字右旁兩點未損

回首京華談藝客江村臥兩獨銷魂

滔滔俗學日頽波禮器明禋近若何十載未能通一藝

儒官典領愧臣餼

余領成均司饌豆十餘年

題殷譜經撲庵留別圖

光緒壬午二月廿八日醇賢親王置酒適園爲

譜經先生餞別惠邸謨貝子與余在坐酒半先

生引春秋趙孟之言泣然流涕曰吾不復此矣
遂罷酒去王作長歌余和其韻俛仰二十二年
先生久歸道山王亦雲霄頓隔余詩弄篋中尋
檢未得此圖在適園一集之後詩與記當時未
見也追步前韻嘻足悲已時在癸卯二月廿一

日

昔我登科日蒙君遠大期

君與先兄同科進士丙辰分校填榜時聞余名呼於坐曰

佳士

史宓同纂述宦轍未分離

戶部三庫皆與君同官

忽動秋風

興能無落月思上東門外路車馬送行時

經術三天重文章兩漢期

君日誦兩漢文杜韓詩有常課

迂儒從笑罵

曲學斤支離每作憂天想空懷報國思萬言治安策長

憶伏蒲時

庚申年事

遠別當衰白重來豈有期賢王情鄭重好句惜睽離款
款穆生醴慙慙君爽思似聞應劉輩俯仰解隨時

王常稱余

曰先生而呼君爲師傅蓋用上齋舊例而加隆焉

後起芝蘭秀承平著作期何圖風發發幾致黍離離辟

火知天意還珠慰孝思

庚子秋此圖幾燬事定得於地攤

展圖一長喟

風雨落花時

舟中即事

來往輕帆整復斜疎籬破屋雨三家微風不動石楠樹

積雨徧開油菜花間學漁歌真漫浪偶詢米價一咨嗟
時米價奇昂江湖晚飯知多少底事投林急暮鴉

三層樓飲茶

極目見平蕪新晴儼畫圖樓高吾邑冠桅嘯古時無樓
為小輪船泊處黯淡茶香熟喧阗市語麤當年魏公子折節事屠沽

題傳笏圖次 文勤公韻

昔我 先兄文勤得魏鄭公笏於南中有詩紀
之今 兄之長孫斌孫寶藏此笏復繪傳笏圖
乞袁公爽秋題詩而 兄之詩猶未錄入余既

補寫一通仍次其韻以記當時聚散之迹而於
袁公亦深有感焉

藏笏者誰吾伯氏傳笏者誰有後起中朝世系數高門
落落幾家炳國史臣兄典戎歷淮海臣職簪毫侍軒祀
中間離合難具陳有百艱危百詆毀兄兮遠戍去不復
相見之時蓋無幾當年此笏繫安危今日臣家雜憂喜
憶昔臣充講殿班緘默脂韋竊所恥手鈔諫錄十萬字
一一彤幃獻天子據長沙刻本自從得罪錮深山夢
繞九閭今已矣有唐太和繼貞觀特訪後賢升鼎耳世
人豔說甘棠樹豈識苑枯乃常理若非側席切疇咨安

肯希榮蒙顯仕一篇笏記森在目五世正卿良有以斌也作圖珍手澤袁公題詩清莫比袁公竟不愧文貞碎首階前爭國是吁嗟乎停昏踏碑公不死裴矩封倫顙有泚

文勤公魏文貞遺笏歌

有唐世臣推魏氏臣徵臣暮相繼起手澤摩抄餘象笏祖德留貽照青史太原真人搢珽坐文貞秉簡侍階祀抗辭執奏容有恪面折諧臣任詆毀十思十漸書在紙所不書者知凡幾敷陳慷慨笏畫地主聖臣直相悅喜是惟鯁輔非具臣封德彝輩

良足恥惜哉貞觀一鑑亡嫵媚真屬夸毗子殿前
還笏老遂良當時時政可知矣百年舊物重魚須
兩朝殊遇躋鼎耳諡以甘棠比法物鑄之隸古映
鯁理要從忠孝論世澤莫侈恩榮誇貴仕偶然寶
物入吾手頑廉懦立知有以吁嗟乎臯夔之心即
龍比爲忠爲良竟誰是君不見舉笏敗顛死即死
段家司農擊朱泚

清明節墓祭有感

剪剪風光麗
怱怱節序更
桃花小寒食
麥飯正清明

新葬

者以清明日祭謂之正清明
春樹如含淚
青山尚有情
可憐道旁柳

只解送人行

山中即事

不厭粗衣與菜羹老夫即此足平生未知世上風波惡
但覺山中草樹榮得句已忘還自喜逢人無語亦多情
近來筆硯都拋卻添得松風流水聲

三月望舟中

拒客因生謗尋詩且避諱估帆來往影邨樹淺深花跋
鼈思登壘汗邪祝滿車便應從此逝洗耳水雲涯

口號

不彫不琢古樽壘得自菱塘曲水隈偶插一枝桃李豔

蜜蜂胡蝶競飛來

連陰一月喜新晴又苦刁調萬竅鳴
菜麥最關農本計長官切莫恃秋成

東澗老人墓

秋水堂安在荒涼有墓田孤墳我如是

墓與河東君鄰

獨樹古

君遷

梯一尚是舊物

題碣誰摹宋

碑字集坡書

居人尚姓錢爭來問

遺事欲說轉淒然

山居即事

豈是高人宅居然竹樹幽
家貧千卷在野闊一窗收
山卉穠如錦湖船靜似鷗
莫言腰腳勝近已怯登樓

瞿文懿墓

細草高原曉露稀行人猶說袒僧衣

俗呼羅漢肚皮

年深鼠竄

有時出

村農云

山暖鷓鴣相逐飛一代文章懷正始再傳

忠孝兆先機髡林頰石皆無禁三十年前事已非

曩屢過尚

禁開山今則新塋林立

田家即景

春晚催農事遊閑驗物情簸糠登舊穀推糞趁新晴竹
笑如迎客禽言自贊名吾師丈人意處處有泉聲

爲姪孫斌孫題石谷無款畫卷時斌孫將之京師

供職

談碑兼品畫其奈別離何
緬想澄懷館居然安樂窩
雲山供點染松竹與婆娑
我亦騎牛者衰年韻事多

滄海橫流日乾坤浩蕩愁
園新非舊舍報國豈身謀
莫作蘇元老當思馬少游
甘棠遺笏在期汝纂前修

山居偶成

小小茅亭短短籬攤書行飯
總相宜厭看細字新聞報
怕作連篇和韻詩野老頗
知晴雨候山禽亦識後先時
西湖柳色津門樹日暮江鄉
有所思

題徐印士

元緩

剡溪別擢圖

越王嶂上頻回首西子邨邊
獨往還只尺剡溪吾未到

更無人識鹿胎山

癸酉之春余嘗一遊禹穴

羨君出宰山水縣妙得可談風月人晚放弓刀晨理牘
萬家案堵靜無塵

好山圖畫子規啼白舫烏篷駐郭西載得六朝甄一角
梅花如雪未曾攜

臨石田竹堂僧寮圖

竹堂無竹但有樹萬个檀欒在何處當年募修本遊戲
轉眼風燈不容駐老夫學詩并學畫流水行雲兩無住
忽然舊夢觸前塵更掃殘煤題短句君看石田年八十
七十四翁齒猶未若教北面得親承董巨黃倪有同趣

嗟哉斯語太著相萬事都如草頭露詩成試誦涅槃經
味幻仙人今入地

此圖爲童子周喜畫
喜曾侍味幻居士

山居雜詩四首

來時婉婉嗟春暮去後纏綿戀主恩新作茅堂無一物

可憐猶覓舊巢痕

燕子

胡蝶忽然來萬里

去年太常仙蝶忽至山樓儼
於几案見人飛去時正月也

昌蒲今

又見三花仙人道士尋常有偏到長瓶處士家

昌蒲花

南漪杜鵑色太腴鄭家銀紅天下無桃花羞落牡丹避

天遣穠纖慰老夫

杜鵑花

北人能說餅焦聲

此鳥北方呼
爲胡餅錄

獨有三吳解趣耕一椽

課晴量雨意長官總未及編氓

初聞布穀聲

鄒巷古藤花

瓔珞懸空五畝遮百年前已作龍蛇路人指點鄒家屋

開徧荒園野菜花

前明鄒氏花園

福山紀遊雜詩十首

晨興理楫尚迎潮行到山塘第五橋過得橋來潮漸落

微聞暗浪嚙船梢

紀湖候也

萬竹森梢碧藹齊被風壓倒數叢低海魚大上河魚少

處處懸罾盡露臍

罾底曰臍

野僧飢走水雲鄉真似銜泥燕子忙

新東嶽廟僧曰德種號復根既去復

東門外鐵鑪階下石重尋字畫已微茫

三十年前鐵鑪
字有薛本字東

面砌石有曹宅捨財云云
至正十年云云今尤剝蝕

繞越行私海禁懸江干多少賣魚船近來米價稱平估

一斗還須五百錢

紀時
頂

一囊衣被半囊書隨意輕便坐鹿車聞道申公頭已白

蒲輪雖穩費躊躇

海雨江風氣淼茫落花時節白魚香殘年飽喫生悲感

此味君親未得嘗

亭宿原應醉尉訶一罇相屬意如何中宵聚櫟驚清夢

似恐漁翁失釣蓑

福山中軍守備
送酒以卒打趣

樓莛潰茂總傷農積雨連陰致蟻蠓

小蟲極多

大小毛公今

不見且攜詩說過江東

泊舟大小毛家橋之閒

平野蒼茫江轉高輪船上下鼓風濤卻思六十年前事

村女驚啼戍卒逃

道光庚子六月廿四日兵輪過福山合城鼎沸

五年未敢輒題詩恍覩雙忠颯爽姿傳記不詳碑碣失

路人指點到今疑

雙忠祠雙銀杏

薔薇

原非絕世好丰姿引蔓牽藤鬢竹籬畢竟是紅還是白
滿天風露到今疑

柳花

楊花還比雪花肥，亂入軒窗巧著衣。避卻嚴寒供玉戲，卻來水面作團飛。

題董文恪山水小卷次原題詩韻

隔林窈窕見煙鬟，意在蘇詩郭畫間。供奉才高風度勝，

承平事簡長官閒。傳家綵筆登鸞閣，謂文恭公賜第丹棧近

駱灣。公之賜園在南海淀駱駝灣可惜十三文渡後，一江春水待公

還。公有小印曰十三文渡江

回首京華浩蕩愁，蜃樓海市未全收。側聞天上雲煙散，

石渠寶笈收。公畫最夥祇賸江邨水石幽，松下清齋留舊跡。卷端有陸

謹庭松下，京師棗花寺有公設色山水長卷棗花古寺憶前遊。天瓶書

清齋印

法東山畫人說熙朝第一流

阮文達論畫以公爲本朝第一

山居偶題

落星灣畔尋劉渙
鷹樹庵頭訪遠公
指點風帆沙鳥外
青山一角是穹窿

余居左曰落星港
右曰老鷹樹洪

謝廖仲山贈篆竹杖

三尺提攜輕若無
琉璃根節翠肌膚
久聞規削煩良匠
獨以安閑餉老夫
湖海樓高聊共倚
石頭路滑莫頻扶
枕柳栗柳皆凡品
擬畫江邨篆竹圖

還山居

出城如出谷
幽趣在山家
雨送一林筍
風留三朶花粉

牆紆蟻路板閣定蜂衙物化原無盡吾生豈有涯

山中頗有客至

欲知天地大靜處著閑身世有木居士吾爲漁丈人雀
羅門巷冷豚酒里閭親不乞胡奴米東山未厭貧

次調甥韻贈劉石香

蕭然琴劍一吟身曾佐熊幡次第巡禹茨本關天下計
滄桑忽起海中塵同搔白髮紆籌筆散盡黃金爲睦姻
草草出門歸亦早應知梅信待斯人

扁舟又載尚湖春看月登樓迹未陳錦繡詩篇常在口
琉璃硯匣本隨身送迎鷗鷺如相識點染雲山倍覺新

更乞松禪圖一幅空山聊慰白頭人

前承贈松禪圖極經意

題金壽門畫冊用媛叟題壽門花卉詩韻

長風蕭條閨端五襪穢重綿不知暑昌蒲無花杜鵑落

祇有石榴紅豔吐客來餉米日已晡

昨程紹周送海東秋米勝吾鄉湖橋

所自炊小甑看風鑪松禪老人老無齒龍梭仙客真仙

乎壽門署款七十五叟犬馬之齒亦七十四矣

題舊藏盛伯羲祭酒贈文和州卷用卷中韻

瀟瀟落木下亭皋意與孤雲獨鶴高祇感眼前多呈礙
亂山無次湧波濤

山齋雨坐漫焚香几淨窗明竹樹涼午睡起來無一事

荆溪詩集八
五
自磨殘墨寫瀟湘

簡張季直

平生張季子忠孝本詩書每餘常憂國無言亦起予雄
才能斂抑至計豈迂疎一水分南北憐君獨荷鋤余與
有耦
耕之約今
不能踐

題張子貞張伯治合璧畫冊

寂寞揚州老畫師老蘊風味問誰知百篇賈勇三蕉怯
韻絕空齋酒換詩老蘊不能飲
以詩代之

亦有蘼蕪山下客閑將詩畫鬪清新乾嘉名輩風流盡

遲爾江湖淡蕩人

伯治能詩工
畫別出意境

爲徐翰卿題董香光山水小冊

破墨柔毫繭紙光直從兩宋溯三唐世人漫說倪元鎮
此是先生善護方

數行題字密還疎輕俊肥穠兩不如證取十三行筆法
畫禪識是晚年書

過雲樓主謫仙才尺幅能將碎錦裁留得怡園好泉石
輕舟攜畫渡江來

題楊子鶴棲霞山館讌集圖

圖爲汪東山餞別題者皆同時名輩棲霞蓋馬
扶霞所居此非耳目近玩竟作邑中掌故觀可

也已丑南歸曾題數字今再展對敬步原韻

棲霞山館渺遺文秋影樓邊已駐軍

東山舊宅燬於粵寇

側想承

平多樂事仍因遠別愴離羣康雍耆舊風流盡中外圖

書學派分

新學行後別有圖籍

猶有後生知嚮往遺編常護吉祥

雲

題石谷畫松南田題詩卷

山中萬籟都收盡惟有松濤夜夜聞差喜驪龍不飛去

閉藏雷雨臥煙雲

題同里朱蘭洲

藻

楓嶺碧血圖

蘭洲於咸豐戊午殉難江山傳志詳之題者盈

軸

昨日喧傳警電至濟陽城頭屯敵騎中原致死豈無人
草野孤臣空涕淚今朝忽覩碧血圖朱君仗劍雄千夫
莫言麤官職任淺鐵石肝腸膽滿軀我謂朱君猶不死
朗朗鬚眉照剡紙江郎山碧子規啼淒調招魂竹枝裏
吁嗟乎男兒大節在致身不辭白骨飛青燐世人各抱
一腔血爲正爲邪要分別

近有妄言流
血者故辨之

墓萬年少贈顧亭林渡江圖

濕西沙門慧壽者徐州萬年少壽棋也上章攝
提格之歲顧先生年三十八爲怨家傾陷乃變

衣冠作商賈往來吳越閒明年謁明孝陵因至
公路浦而萬君以避邳徐之亂移家於此遂與
定交有贈萬舉人詩此圖之作正其時也圖今
在梁節庵所費紀懷臨一本寄余余又屬俞金
門摹之寘唐墅亭林書院並錄先生贈萬舉人
詩於卷而次韻敬題其後

古今大鑪鑄宇宙一罨網吁嗟元黃交何地可長往濕

西信竒特

萬年少自稱濕西非
濕西也濕即濕字

先生尤伉爽軒軒鸞鳳

姿未肯尺寸枉六謁孝陵樹屢拜靈谷像舉世渺無人
浩然發遐想南方習輿輦我志在蹄鞅草衣跨一羸載

書尚兼兩上窮皇古初下歷九州壤經學續薪傳遺文

剔榛莽日知三十卷治國指諸掌皇天剝碩果旅館漶

總幌斯圖贈別時故鄉伺颺颺鴟夷雖變名室家方震

蕩是時叛奴未得家屢被劫我讀先生詩驚歎雜吟賞魂兮歸語漣

祠堂豫題榜唐墅語漣溪上先生奉母之處尚在擬於此建貞孝祠而以先生侍側

再題渡江圖次祁公韻

容臺檄取遺書讀妄議經師是別傳排觝尊崇兩無謂

前賢心事豈其然余與潘公祖蔭疏請以顧氏亭林黃氏黎洲從祀文廟禮部尚書徐公桐

駁議謂所學未醇遂罷

慈仁古寺成焦土半畝荒祠更莫傳未坐少年今白首

每懷耆舊一淒然

京師顧先生祠余隨諸公後春秋會祠下前後凡三十年

贈石西亭老人

時庚洞庭山人質庫掌事

絳縣疑年老商山避地人古來賢達者不與世緣親袖

手能防亂

君昔在湖州長興縣事

傾身為濟貧更聞安樂法照澈

夢中身

君言從少至老未嘗於枕上思索事

仁里斯為美蕭然此卜居隔牆聞擊柝借屋許藏書

君所

主張氏之屋與余居隔一垣近借其旁舍為藏書地頻餉箕山果

贈余白枕杞極佳

因求

笠澤魚具區三萬頃何處訪君廬

題逸休先生詩草

凡四卷曰年年集從軍集夢曙集鮫珠集蓋明

季遺老也姓名不著惟詩中有河南爲氏膺爲
名略可攷證耳俞綵生徵詩因紀之

逸休真削迹夢曙亦藏名我讀從軍集空懷御李情

河南爲氏膺爲名

釜山今重鎮

集中移家詩注云得釜山故土儼居近江釜山即今之福山也

褚氏有遺氓

福山褚氏河南其望也

好續瞿硎傳千秋仗後生

山居偶吟

偶因放逐得安閑總計平生仕隱間老不廢書聊識字
貧猶築屋爲看山芒鞋竹杖常行樂社酒村歌一破顏
願祝太平今日始近來朝報滿人寰

題自畫

并序言卷八
三十三
余作畫時年四十九越二十年爲光緒戊戌而
余年六十九矣是年落職歸田又五年檢篋得
之感慨前事再題二詩用舊韻

豈有微雲點太清
天容海色本虛明
靈均偶爾逢漁父
何事懷沙賦賈生

冊載瞻依殿陞溫
一朝揮手上東門
聖恩特許歸田里
莫澣朝衫拜杖痕

題沈石田送行圖

此圖余 玉甫兄得之蔣氏 先公所賞蔣公
題詩 先公常誦之同儕侍側亦耳熟焉留置

家鄉經粵賊之亂以爲劫灰矣荏苒數十年今
於姪孫順孫處見之感觸舊事率題一詩以抒
其悲用蔣公韻

一篇家書入歌行迢迢遠寄楚雄城楚雄太守五馬榮
胡不羞饕親經營點蒼鏡天湘水橫想見眷戀庭闈情
我披斯圖淚皆瞠十年侍養依神京朝朝奉與夕拜迎

寒暑刻漏有恆程阿兄環甲性命輕

伯兄在揚州旋撫皖帶兵剿賊

阿

姊辭親隨館甥

姊壻錢楞仙久在江北主講

惟余曩弟酌兕觥

余與五兄

京邸侍養

中更患難仗聖明嗟枯起廢同再生

肅順當國屢遭齟齬乾

坤坦蕩朝右清麻衣扶護跡血盈歸檢斷編無一猜時

正暮燕巢未成

戊辰歸葬時事

石田此畫舊有名先公雒誦鸞

鳳聲竟得無恙今藏籛展圖再拜感涕并回瞻海宇多

旄旌

題舊藏沈石田蘇臺紀勝畫冊

石田此冊先藏曾賓谷所後入華陽卓相國家
流傳厥肆爲河南畢某購去畢武人也數年後
復見之京師遂收得之今日展觀渺如再世是
日爲先公諱日姪孫熙孫挈二子良辰自滬
瀆來而寅臣二子長富亦在里中饋奠之餘共
讀此畫時則光緒癸卯十一月七日也

相城有布衣遯世秉高節平生忠孝心耿耿一腔熱如
何以畫鳴此寃會當雪

楊君謙曰世人專以山水樹石稱先生豈不寃哉

然即

論詩畫餘技已獨絕祝唐難雁行衡山弟子列煙雲競
奔走神鬼爲施設君看此畫圖落筆可屈鐵復綴墨數
行句法秀而傑京師浩穰場廩鼎苦莫別我收貝多羅
森然十六葉中被放逐歸未忍捐敝篋今日是何日子
姓紛遠集頎頎四男兒頭角皆玉立阿良頗解事歎賞
目不給獨嗟老病叟方感舉魚泣緬想白石翁八十侍
大耄

石田八十
其母尚在

淒涼墓門屋湖淥供呼吸瓣香置高閣

可翫不可褻莫作一藝觀元氣中蟠結誰築耕石堂千

秋俟來哲

吾鄉瞿忠宣公有耕石齋藏石田書畫

題沈石田贈尚古先生詩畫卷

尚古佚其姓名此畫未題年月真虎具在又奚事瓌瓌考證哉後之人有同我癖者定隄斯言
剡藤十丈猶嫌短蹙龍蛇在此中我道秦碑漢篆法
左行拘筆氣橫空

白髮江湖老散仙仙人豈待姓名傳
葉書賦藥渾閒事
尋徧陳編一惘然

題庚子畫扇扇有曲江雁塔語

作畫時適傾跌傷股從此聾矣今有人持來索

題爲之三歎

曲江吾未到雁塔昔曾遊古寺參差樹郊原浩蕩秋門
人慚市石戊午十月弔呼延師於慈恩塔下行客訝鳴騶聞有亭林蹟
蒼茫不可求

華嶽三峯壯潼關四扇開誰云婁敬策終是漢皇才北
斗烽煙靖東都趨路回從來神聖業多自隱憂來

次韻題章侯博古牌刻本

全謝山叢山祠堂配享碑稱學行不愧師門者
二十三人而諸暨陳章侯與焉其言曰章侯以
畫名且以酒色自晦而其中有卓然者子劉子

深知之會稽王元趾與章侯皆不肯帖帖就繩
墨元趾死乙酉之難而章侯不死然其大節未
嘗有愧於元趾也云云

一劍雄驅十萬夫莫將三島玩倭奴絕秦詛楚吾何與

忍棄龍興舊版圖

時日本與俄羅斯大戰
欲侵我東三省主權

歎息無家老逐臣祇餘兩鬢拄孤身黑貂已敝衙香盡

憐爾寒閨藏畫人

癸卯除夕得此
畫於亡妾篋中

自笑江潭有餓夫不應乞米到胡奴牛闌西畔三閒屋
誰畫先生臥雪圖

甲辰

和俞甥調卿除夕元日兩詩

新詩如彈酒如淮想見漁翁意興佳風信暖占天下福
雨聲喜入萬民懷齊眉鶴侶年年健接翼鸚鵡雛處處偕
書與歲華還一笑東塗西抹是吾儕

老夫無意把芳樽手炷鑪香炭尚溫投刺客稀勞駐馬

縫衣僕醉懶磨門

一僕守門乃縫工也

食貧每歎黔婁婦訪道難

求雒誦孫差喜城南有詩伯頻將珠玉答金昆

承示佑萊元日

詩故及之

調卿好詩又好道仍依前韻調之

詩壇不見李臨淮解放弓刀亦復佳我似放翁無定律

君如白傅善言懷人間好語兒郎偉世外孤蹤木石偕
各有性情各抒寫白頭甥舅是同儕

更向虛皇薦一樽蕊珠雲笈要重溫編排歲月詩成史
探索乾坤易有門百尺碧梧依翠竹千年白鶴引雛孫
黃庭寫罷泥金至豔說君家好弟昆

用前韻答俞佑萊

鍾穎

千里提封介漢淮使君才望最清佳即今舞綵娛親日
尚切提戈報國懷詛楚文章高圍在絕秦盟誓晉侯偕
夜堂籠燭飛符處回憶京華鷓鴣儕

可惜銘椒少一樽慈顏切切復溫溫看花輿小兒攜杖

換米舟來客叩門仁粟義漿周族鄙瑤環瑜珥弄曾孫
春風著物原無迹勤儉寬和裕後昆

次韻寫懷

少日馳驅七渡淮中年涉海興彌佳如何子厚囚山賦
竟似靈均故土懷對月三人惟影共臥雲兩膝與身偕
閒鷗不是忘機侶笑爾相呼有匹儕

惻惻空房舉奠樽寧惟尚覺藥鑪溫一生所識無多字
九死方知不二門只辦真誠持內外更無苦語戀兒孫
墓圖一角留殘墨地下猶尋陸氏昆

此首悼亡妻也其家無後墓在鳳尾

潤

佑萊以苔牋屬書近作愧未能也次前韻答之

老年訛字別兼淮况復臨池興未佳挑菜忽過人日節
看花又觸去年懷長庚曉月空相憶獨鶴孤雲孰與偕
右臂漸枯聾更甚索居何以答朋儕

擬向東皇屬一樽花應重放酒重溫湖山盎盎如迎客
薺麥青青直到門閒話老農皆執友比鄰童稚即兒孫
從知魯衛宜親睦四海同胞孰弟昆

時日俄構釁苦戰未已

次前韻紀時事

一篇柴誓警徐淮野祭伊川兆豈佳自古和戎無上策
於今謀國有深懷犧牲待境疇云濟袍禪興師孰與偕

一戰燕雲從此復冥冥決事是吾儕

欲將東海泛爲樽手擘扶桑旭日溫新製樓船吞鴨綠
舊傳神劍鎮蛟門六經述聖同文字三島求仙長子孫
試考象韞較仁暴寅賓畢竟勝堅昆

邵息盦太史

松年

和淮字韻詩輒以父執見推非

所敢承也追溯先德報以小言

滔滔清汴注長淮正則靈均肇錫佳果見使星梁苑朗
至今化雨士林懷文章世澤源流遠孝友家風子姓偕
餘事更徵書畫史雲林金粟是朋儕

玉琢珪璋木飾樽人閒萬事有寒溫承平君早辭鸞掖

勇退吾尤羨鹿門

綱堂銀臺

辟世耦耕多伴侶濟時籌策付

兒孫老夫懶散全無用若序年齡合作昆

次前韻再簡息盦時上元後一日

舍人鉅筆紀平淮

松阿先生集有平定準噶爾雅平西域雅諸篇

皇雅饒歌字

字佳吾祖獲親函丈訓

先祖以古文辭質於先生

後生每切景行懷

一時物望荀陳並累世通家孔李偕難得閒居頻唱和

依然同社復同儕

此日彤墀百獸樽萬蟲聲裏殿廬溫

上元曲宴以玉爵進酒又以草蟲置

春山寶座下

近聞羽檄傳三輔側想春鐙靜九門承露盤高

鑄銅狄支機石巧仿天孫朝廷別有懷柔略豈爲宸遊

事筆昆

調甥壘韻見示云禪漁聯唱已成巨卷再答之

金昌西去小秦淮淡冶湖山處處佳試劍石邊豪氣在

還元閣下故人懷

許鶴巢

即今翦翮樊籠閉安得隨身笠

屐偕

客勸作鄧尉游愧不能答

聞道漁歌最瀟灑可容禪誦木魚齊

上元已過未開樽坐覺輕綿特地溫限韻詩成頻檢字

談空客去且關門

適藥龕見訪

愁吟杜老頭如雪喜詠坡公

竹有孫明日正逢燕九節敲春小集問吾昆

與余昆弟交者今惟

二人孫壽州銘鼎臣也皆在京師

次韻春雪酬調甥

朔風吹雨過長淮千里郊原秀色佳
歛爾疾雷驚衆聽旋看飛雪軫予懷
五行寒燠陰陽繫一歲豐凶性命偕
學道未能聊學稼樊須本是小人儕

安得莊生五石樽徧儲春酒煦微温
溼薪破竈愁居室綵勝銀鐙靜掩門
躡屐送詩煩侍史呵毫寫韻喜諸孫
來詩是令孫所書范公橋畔閒吟客
可有名章繼二昆

次韻再答調甥

吾詩略似橘踰淮縱帶餘酸卻未佳
避俗自攜冰雪卷登高別具海天懷
南冠漫作鍾離泣投袂誰能楚子偕
猿鶴沙蟲等閒事同袍同禪即同儕

連日無東方戰事消息

墨花盈硯酒盈樽昨日嚴凝今日溫天意似憐貧士賦
春光先到野人門已蒙甘澤施龍母更祝豐年長稻孫
喜得時晴佳想帖爲言有句和諸昆

已和諸昆
詩數首

金門小簡云農言
此雪不善麥並云

息齋和詩述祖庭粟園先生曾任淮甯政績炳然
而余前詩未及詳也謹補是篇次章謂息齋主講
新建學堂事

大復胎簪始導淮山川絲絡土風佳敬聞召父循良績
益仰文孫繼述懷厯下有亭遺愛在京華作客舊遊偕
先生後任山東知府

每來京師賓客如雲

許公逸事吾能記不愧當年魯宓

齊先外祖許公秋濤與先生
友善外祖卒於高安令

手闢榛蕪置石樽千年雪井水重溫時建學堂於
乾元宮後詔書

新立招賢館邑士爭趨大匠門渺矣談天古鄒衍彼哉
曲學漢公孫從來經術通時務定有良規啟後昆

冒雨送客遂至山廬次韻簡金門

稠疊新詩韻限淮搜奇鬪險那能佳徒增落木長年感
不盡王孫漂母懷湖上已看春水足山中祇與白雲偕
莫言漚鳥無情物相近相親有匹儕

奚事茶甌與酒樽每來君室氣彌溫略栽花竹春生座
靜對詩書晝閉門平世志常憂社稷丈夫情豈繫兒孫

白頭老舅真蕭瑟扶杖先尋爾弟昆

重有感簡金門

湛湛江水上通淮鬱鬱虞峯氣象佳一變遂開遊士習
幾人能具古賢懷絃歌豈與知方異文學原同政事偕
手抱遺經發長喟衡門幸有耦耕儕

聞道中衢置一樽任人斟酌各寒溫兵來未必先除道
鄰鬪何妨獨閉門首務儉勤遵夏后還期桓撥頌湯孫
天涯寒食松楸隔行路吁嗟况後昆

題趙石農手摹其尊人賣藥圖遺像

君家慈烏村返哺烏亦喜一朝聞母疾重繭血芒履君

看鳥飛翔不敢越百里中夜繞樹啼行人可以止

周官久闕墜司市無權衡既弛竒慮禁復競錐刀爭豈

如布衣徒懷抱濟世情閱彼叩門人一裹祈再生

趙子非畫師伏地寫父真馨歎在魂夢紙墨皆有神賣

藥亦雅事垂誠猶諄諄勛哉詩禮學毋溷屠沽塵

題明宣德仿天游石湖玩月軸

石湖風景數吳門無復長橋印月痕難得天游留畫本

竟紆宸翰寫江邨冲襟不屑祥龍石宋徽宗有祥龍石圖藝事空

傳蟋蟀盆宣德銅鑑最著并有錢金蟋蟀盆亦妙絕一世玉軸剔殘朱印在墨

林遺跡要重論此軸乃項氏舊

喪不可割棄

有逐余舟呼冤者紀之以詩

正月二十六日乘舟過西門靖江人卜氏兄弟
隨舟呼冤詢之家在謝家橋距靖江城二十五
里哨弁羅張二人以稱貸不應袒其婦而撻其
姑并杖其兄弟數百冤莫伸也解慰之助以歸
資

冤憤塞天地蹈海亦其常哀哉有老母回顧增彷徨路
遇白髮叟拄杖來何方導我叩公門令我陳衷腸嗟余
無斧柯安能戢豪強贈汝以一言至柔能克剛叩頭謝
老兵黽勉供酒漿毋爲妄號訴天意終蒼茫

支溪

橐筆客初去扁舟吾欲東岸容三變柳篷背兩來風欲

訪蕭梁寺

支溪有明因寺今荒

因懷顧細翁可憐紅豆樹埋沒蔚

蒿叢

紅豆一株不知所在矣

白茆新市

聞道彭橋水滔滔已北趨支流小綿蔓官牘舊壺盧徒

費三重牖空徵九縣租

太湖水北注許浦徐六涇此處海口久淤矣

前人有

成議灌漑用諸湖

顧定九先生有漑田用湖不用海議蓋本明耿公水利書

和俞曲園鮑亭同作

春到先生氣自暄尋常下筆已千言文章自合闕時運

人物終當屬上元，細韻雄篇皆入妙。
麟威鳳各高竊，藝堂中丞山農不識韶。韻奏獨唱真無例，可援及□□。

題李吉人自怡樓課孫圖

老翁讀書不下樓，諸孫環坐屋兩頭。
俗人笑彼一措大，學人矜此萬戶侯。
君家學派開揚州，後先津逮虞山陬。
秀才傳世十四葉，喬野悵望金貂羞。
惜哉一病不可瘳，伏枕往往聞鬪牛。
我衰君老不時見，悽清鄰笛空山秋。
即今秀起孫枝稠，前者珪璋後驂騑。
守身事親天下樂，自怡二字勤研求。

題邵僧彌畫冊並影摹

尚書公為卞花龕書吳

梅村畫中九友歌附於冊後

花龕端合配瓜疇非隱非狂只浪遊
省識吳門兩高士

李

長蘅

程孟陽

而外足風流

偶憶吳門血書華嚴經輕舟往觀舟中漫題舊臨
石田竹堂僧寮圖次前韻

草堂栽花半成樹花落枝空渺無處殘春一瞥太怱怱
賸有流鶯花底駐鶯啼花落各漂泊我亦扁舟隨去住
奚童嬾散強解事買酒烹魚乞題句豈知老病意逡巡
右臂雖舒力猶未吳船柔艣百搖兀幸有颺輪助豪趣
野長涇樹倏過眼北市塔尖青已露翻愁吾筆亦飛空

收拾懷中置餘地

舟中爲童子程福題去歲畫

我昨作畫時綠陰翳軒窗今我對此畫市聲雜喧虓萬
事各有適靜躁難爲雙駕言出我門輕舟綴飛艘湖波
碧澹演一水連胥江緬想古賢人伐石通漁砦至今湖
瀕民萬戶安耕耜惜哉半淪廢僅見臥柳樁茲行雖快
意亦慮相擊撞瞻前忽顧後寸衷苦難降何暇鬪險韻
妙語諧瑋琤平生不學畫拙筆醜且卷不如姑置之一
醉竹葉缸明當訪詩僧同叩華嚴幢

題龍壽山房血書華嚴經

宋文憲三生寫經之說不足深信獨憐其遠竄
金齒事君不終爲可慨也

筇笠隨緣住籤廚待客開幸留吾舌在
余病端爲血書
來一滴今猶熱三生世浪猜由來金齒地不著棟梁材

觸目

觸目增悽楚回頭獨歎吁哀蟬聲似訴病稼葉先枯
義烈吾何憾團欒世豈無一杯遙酌汝噩夢落江湖
昨夜月當戶今朝雲溼衣雨晴天有意進退我忘機
風笠無端舞地輪不易鞅升高試腰腳已覺逐年非

題佑萊藏舊拓乙瑛碑

禮殿新文學舍名執經非復魯諸生王家選吏須忠孝

底事區區犬酒爭

犬酒犬字蘇齋釋為友恐非

卒史原非胥吏徒兒寬黃霸是通儒

卒史清華之選吏卒乃守衛者也杜

佑謫百石卒史為百戶吏卒甚謬

臣蘇曾與經師席慚憾空疏一藝無

碑字有賤名者極少每對孔蘇內省增作

一字研求點畫旁書生泥古太微茫

近人謂此碑以辭對故下碑字右半

辛完好者為古拓

何當盡掃莓落迹重覩穹碑日月光

題費西螽歸牧圖便面

顧鶴逸畫

趁齋竒字何人識歸牧新圖我尚疑籥口鍵精緣底事
十年冷卻鳳皇池

碑版圖書古鼎罇一龕斗大隘乾坤
桃花鴨裏清溪水可許扁舟直到門

鶴廬小隱畫中禪不獨人傳畫亦傳
風雨閉門太蕭瑟會添一鶴兩詩仙

初食瓜

此是江鄉第一瓜瓊漿初剖豔流霞
道旁多少擔肩客各獻先生一朵花

疾亟口占

六十年中事傷心到蓋棺不將兩行淚
輕向汝曹彈瓶廬詩稿卷八終

文恭師薨逝之翌年門生陸吾山觀察襄鉞由浙江糧道解組歸里瀕行以五百金寄予將為師刊詩文集之助其時笏齋前輩遠宦京師未幾出守大同遙隔數千里因循未及商推吾山旋即謝世蓋予為執掌者五六年猝遭世變失而復得自維年近古稀恐一旦先朝露無以對吾友迺與笏公往返函籌蓋師著作未有定稿按輯兩載始得詩如干首釐為八卷笏公不克家居以稿寄示凡校勘削剔之任一以委予予與江陰繆藝風前輩熟商寄鄂垣仿宋刻從事年餘乃得工竣即以餘貲印刷流布竊念師文章道

德原不待以詩傳而性情所寓亦可以概見生平予
何幸得觀厥成不特斯集之常留天壤即吾亡友拳
拳於師門之心亦可為之少慰也已巳未孟夏門下
士邵松年謹記